

四庫全書

集部

欽定四庫全書

元憲集卷十一

宋 宋庠 撰

七言律詩

休日

彌旬出沐道山頭
僦廡蕭蕭避俊遊
枉是胸中無塊壘
可能皮裏有陽秋
駕車款段慙鄉品
託乘鷁夷笑客愁
曲突無烟竈坐冷
時聞庭雀一啁啾

晚坐觀風亭三首

戍樓西北最凌空倦客憑闌八月風一曲黃河連野濁
半規殘日背人紅山林枉負沉冥志刀筆終無尺寸功
猶喜不迷存闕地絳英瑤斗虎牢東

百尺空臺河上城遠波虛籟助秋聲過窮旅鴈書難得
啼殺鴛鴦曲未成急節何當容白髮流塵只欲傍華纓
臨高莫訝頻東顧憂國思君不為名

我來秋色逼霞曠更作憑闌遠望人山口遠銜遙白渡

水頭斜畧小平津年華有恨驚心去世事無端刺眼新
深愧具茨芝朮在掛冠終擬狎堯民

謝齊屯田見惠詩什

東家華袞屢垂褒傾耳幽蘭郢唱高雪苑曳裾慙賦客
春塘飛筆見詩豪千金秦市文終貴九奏鈞天夢自勞
他日海槎如犯斗願將孤跡託星曹

和答越州呂鄉見贈之作兼以為別

綠髮仙郎得郡新潁川重喜拂征塵樽前道舊情無改

馬上裁篇筆有春萬里江山迎使旆九門冠劍別朝紳
請君更讀韋平傳莫把家聲苦讓入

次韻和宮保龐丞相見貺之作

歲陰誰不感摧頽更值亨衢出處催根柢只堪陪櫟社
功名何足玷雲臺覽窮文史篇章勸過盡榮華老病來
宮袞裁詩褒意厚昏矇刮膜喜重開

次韻和太常韓博士寄獻留臺吳侍郎之作

藥七蠲疴去近班主臺西邑借餘閒稍雲翠色凌霜罷

巢閣仙姿瑞世還秋沼縈心林下水曉樓供目雨餘山

公里第有西
沼北樓之勝

更逢酬唱俱清潤冰玉相輝戚苑間

和吳侍郎答汝州諸官唱酬之作

青管裁篇屬舊僚賡歌奇意亦飄飄橫微曲妙誰逃賞
過物風清盡應簫此路煙霞催入路他年簪笏慶歸朝
秉秋不奈多高興重取蘭薰答楚謠

府齋秋日

卷簾收扇暮涼初秋意盈襟小疾除池面宿煙荷蓋老

階脣漏日竹陰踈虛舟觸物真無意高枕論才似有餘
學道知非堪自哂眼昏方讀貝多書

梅

花落亭亭素臉開忍寒剛欲背春來已迷江令瓊花樹
更傍周王壁水臺楚館嬌雲愁夢斷洛塵香雪待風回
一枝寄遠真何益費盡南朝陸凱才

趙奉禮見過

經年掩卧席凝塵載喜西都接賦賓照坐仙姿穠玉冷

醉心英氣瑾醪醇斑衣就養垂華組葆髮傷秋岸幅巾
更謝妍談殊未已肯將車駟詣原貧

歲暮答趙奉禮

蜀瘠平日掩芳樽星籥年凋景易奔天遠斷蘆催序鴈
庭空飛雪妬離鷗顏歎枉樂堪憂巷漢履猶思待詔門
月署仙郎多麗唱苦嗟池草久迷魂

送趙奉禮

日出東郊郢路分斑駁嘶嘶離羣漢庭習蒞仙曹遠

楚驛攀梅使綬薰蟻酎百壺凝桂溢鵲歌三闋轉珠聞
登臨如賦蘭臺事十二峯前盡有雲

朝謁應天神御膳仰壯麗退憇齋房作

時朝廷重葺三殿畢

功

雲構崔嵬敞梵筵皇家基運此興先如存不改當陽坐
善護常開種福田四徹金繩規寶所九衢瓊樹宿非煙
須知補舊延洪意重數仙人拂石年

晨謁感懷

早拂華簪謁冕旒五更殘點便鳴騶星沈長樂鐘聲外
月掛觚稜闕影頭弱詎堪儀振鷺孤懷終欲信羣鷗
更慚晨坐鴻樞府容鬢先于省樹秋

晨謁書所見

紺憲鳴珂萬蓋翔九門冠劔擁晨光城連南北長安斗
殿倚東西太極堂雲裏銅烏風作籟天邊金掌露成霜
微生備位如葵藿只有傾心奉聖王

受詔同編修敕令終篇例賜勲一轉謝參預東平

會稽二公

法家高議集朝綏成績連茅被帝暉均賞已知羊胃爛
銘恩偏覺鼠肝微泥塗枉入鴻鈞用腹背還憑逸翮飛
天祿半生瘳眩病猶堪持帚掃朱扉

送巢邑孫簿兼過江南家墅

楚客才多不奈秋長安赴集苦淹留半綸綬采緇塵化
十幅帆陰素潦收離恨枉能寬帶眼歸期猶喜詠刀頭
督租勾簿真沈俊終冀梁臺一召鄒

流杯小宴偶成拙詩奉呈運使王密學紫微韓舍
人

溪齋元已得嘉賓曲曲煙渠逗翠淪潑火乍經三月雨
泛觴重記九年春

山陰之序在永和九年

風前小舞驚餘雪梁外

清歌落暗塵此會貴交應絕擬斗樞星掖兩賢臣

春晚獨遊沂公園

幾曲鳴溪抱嘯臺陰陰野氣壓浮埃林間幽鳥自相語
水上落花何處來逃相故畦無廢汲封侯修竹是元栽

三川病尹妨賢久終卜鄰扉養不才

送李祕校赴太平法掾

沈臂驚秋肉減分曉波衰柳對離羣臣飢枉索中都米
卿事猶參下國軍三襲賦臺拋苑雪一塵鄉樹辨江雲
坐曹少姑徒勞歎南闕干霄遞獻文

送黃秀才歸淮安

驪駒黃鵠兩成歌卽席愁顏慘未配舊客仙壇紅遠杏
怨魂春水綠生波締交英域銀袍麗宴族詩庭玉樹多

簡牘三千行自罄漢家鰲闕鬱嵯峨

歎張綽

嶠外歸來白髮新
曾中無物有經綸
局當轅下驂騑足
倚著門邊骭髀人
風雪又殘梁苑歲
煙蘿誰管楚山春
由來榮悴多如此
莫為前薪怨後薪

洛京王尚書學士寄惠牡丹十品五十枝因成四韻代書答

十種仙葩各有名
相逢暫似到周京
簪端珥萼頭雖白

酒面含華眼更明
風暖天香吹不斷
露深宮綵洗初成
慇懃數盡千重葉
未抵銜恩感舊情

和運使王密學西亭未開牡丹

新年西園帶輕寒
芳意含華洽客歡
瑞露只知催濯錦
朝霞猶欲隱乘鸞
暗期玉蘂蜂窠潤
偷裛天香蝶粉乾
應為主人恩不淺
併留顏色占春闌

小園春晝

日永春殘陋巷深
四隣蕭寂小山林
張羅門外人驚爵

仰秣槽中馬聽琴燕坐角巾移竹影野談爭席占牆陰
灌園本是三公事佻佻閒舒傲世心

和中丞晏尚書圓丘觀禮

三襲觚壇夜未央金支蟾彩共熒煌鳳輿遙憩墮門次
翟尾交分禱路香星魄媪神聯紺席文宗武祖侑瑤觴
萬靈醉止純休集方信周家駿命長

陰晦殘春可惜二首

園林春去自無歡宴幕經旬掩客盤霧野關河非意失

曉樓風雨不時寒
空梁燕濕休矜舞
曲沼蛙鳴且為官
嵩少歸心堪悵望
紫芝賴桂老瓊巒

柳長花歇夏雲初
幽圃尋芳但綠蕪
不分伯勞隨阿母
生憎蛺蝶効當塗
昏沈嶺霧吞斜日
寂寞溪煙壓翠蒲
欲拂琴徽銷客恨
啞啞平聲城曲已啼烏

同萬秀才讌楊侯別墅

苑路輕驂拂曉霞
斗城南畔列侯家
臨邛貴客傾中坐
時一二貴漳水詞人記後車
一石蒲桃先載酒
萬株金遊偕集

谷正交花風光不減蘭亭會醉墨憑君紀歲華

過漢洛陽故城

在今城東十八里

漢家遺堵滿山川六里東西遂渺然

洛陽記漢都城東西八里南北九里

今舊趾猶然

寒日似愁圭影地秋風真作黍離天五株杏發

陵無邑一頃茅荒井失田更歎道邊多棄骨可能猶為
直如弦

送紫微夏舍人徙治洪州

方底丁寧細扎書豫章都會冠全吳垂腰三品龜銜綬

金匱要略卷十一
衛帳千兵虎刻符
藥省樹翻拋賜筆
練江波靜見還珠
西山五色多仙會
鈴閣無聲道有腴

立春前二日嘉雪應祈呈昭文相公

皇心精禱動昭回
嘉雪乘時弭歲災
先作飛霙隨臘舞
便含膏澤趁春來
天淵百頃移星漢
禁籞千枝傲嶺梅
一曲巴人雖下里
願持歡意助康哉

北臺

古邱危磴接雲梯
遠目臨高意自迷
千里綠蕪平野北

半邊紅日亂峯西
臺傾鄴苑多殘瓦
鳳沒漳河失故隄
近塞春郊無勝事
跛牂風馬滿山溪

曉出城祀風師壇馬上作

風穴靈壇背漢臯
肅將祀典會諸曹
城頭五鼓催闐鑰
席上雙簫薦沼毛
冠嶺昕霞迎霽旭
冒疇農概漬春膏
箕揚畢好宜流惠
江外刀耕楚俗勞

漕渠春臺

縹陂春色極晴虛
新水遙連六輔渠
沙上釣歸人獲鴈

梁邊觀罷客知魚
蒼浮樹影煙生後
紅皺溪紋日側初
刮目暫成江海趣
狂奴終憶越灘居

和朱舅暮春積雨

沮洳江雲寂寞春
一軒風雨歎彌旬
灰殘淮館蟾韜暈
石去湘陵燕濕身
委路落花紅罷舞
傍樓低柳綠爭顰
蕭蕭枉結年華恨
愁煞西州掩鼻人

得許六書

車笠論交夙契深
文麒江海獲歸音
流光過隙偏驚馬

危曉沾衣不為琴甯扣幾勞歌白石莊昏猶欲注黃金
無因一答瑤華問南國洪喬牘易沈

馳賀監稅齊都

溫詔封芝出帝居祕曹星秩示優除舜庭已茂三年績
魏謗初銷一篋書丹地拾遺思汲黯中宸批草待相如
前期雀屨無因戀歸從清塵六尺輿

次韻和吳侍郎任宗伯貳卿沖卿領天官南局皆

世職有感

案貳卿沖卿文不甚明疑有訛脫

斗宮分局敞星闈伯仲登賢士論歸奕世弓裘方善續
先春跼萼更相依孤鴻暫作雲衢騁三鳳行看帝閣飛
戚苑好書餘慶事一門仙囊映朝衣

西齋見雪寄呈靖彥惠

歲陰休沐坐空齋集霰飄霏次第來仙粉有痕緣幌入
亂花無數覓叢開故裘禦濕便羔袖凍醴扶衰藉藥杯
向暮紛紛何所擬謝家兒姪有清才

和中丞晏尚書和答十二兄夜歸遇雪之作

有客天街夜轡還
霰花無數拂雕鞍
路疑西極瑤池近
人似南朝鶴氅寒
漏鼓傳聲催暝色
麴車迷轍寄餘懽
頃簾雅韻皆多感
偏覺陽春再和難

和中丞晏尚書秉輿宿殿致齋日巡仗遇雪

案宿字下

未著殿名
原本脫誤

十里甘泉鹵簿新
即時天借雪清塵
光含九陌疑無暝
花拂千旗旋作春
夾路綵樓偏著粉
中天曉闕更成銀
絳騶案仗傳呼盛
寧似梁王不悅辰

初春夙興

戍城宮柝應營笳愁枕無眠感曙鴟料峭風頭猶助凍
蒼涼天角欲成霞離離奕局殘星墜脈脈刀環片月斜
尚喜初年輕病骨半簪蓬影況蒼華

送令狐揆南游

楚澤離愁不避春柳梢梅萼送行人綠波易蕩銷魂水
紫陌難遮拂面塵道困秦儀猶掉舌岐多楊阮始沾巾
劒綬髀肉無窮恨羞向耕疇獨問津

己巳孟春二十六日作

糾纏空驚禍福頻
沈舟未拯更催輪
山頭枉是輕廷尉
天上何容著蹇人
南國祭犧堪畏楚
東門獵犬尚尤秦
當塗莫竦支離誚
坐受朝家十束薪

致政張郎中惠親畫墨竹二幀以詩為報

南宮仙老本多才
素幅珍紉繪境開
高節自緣心匠出
野叢還擁筆端來
挂餘粉籜疑飄席
玩久風枝欲掃苔
俗眼莫驚無藻麗
歲寒顏色抵瓊瑰

送孫記堂出宰歸安

當年璧馬上荆臺曾識長離婉婉來巧智忍隨司馬官
沈酣終屈廣都才尊鱸薦俎朝豐饌稻蟹藏波歲絕災
鄉梓汀蘋鷄犬地孫郎藻思若為裁

榴花

孤根西土幾時傳絳藥細趺早夏天艷發雖慙桃李後
子成猶占雪霜前醞餘霞醕香應在染殺綃裙色未鮮
一種芳心耐風雨敢辭重疊奏君筵

晚臺

霽色秋空送目勞
小臺搖落更平皋
紅垂海樹烏棲日
清溢江沱鷺浴濤
天勢暮圍鱗隰闊
鴈行斜轉翼雲高
楚風撼撼迷魂地
可在揚雄獨廣騷

提刑張司封同年垂訪別郡以詩為謝

天聖光華第二春
與君同日脫凡鱗
何知素領分符地
卻見青雲共榜人
千重使移行府重
一觴歡伯故儔親
言詩擊節兼風義
且欲因聲附翠珉

君與今永興丞相
及諸名公等多所

酬唱並刻于石兼
遺副本因以叙成

送廷評沈先輩宰江山兼過吉席

東陽世系出翹英
刮目神膚兩共清
洛紙文雄錢萬選
郊堂科美佛千名
春風適館仙駟密
海曲夸鄉縣綬輕
上最三年歸路穩
中阿芳意滿菁菁

淳之太尉相公寄示赴鎮小編三復成誦研味之
餘理當酬繼但難于徧和輒取首題賦成拙句一
首既伸高山仰止之願并以為謝

西北遮胡晉部疆更煩儒將下文昌久調玉鉉三司貴
出倚金城萬里長唐畝歲豐禾自合汾波秋景草應黃
公赴鎮在
去年秋末須知外警從茲罷閒殺邊郵赤白囊

新春雪霽坐郡圃池上二首

鈴齋西北小池臺漠漠年光病眼開水面綠深知凍解
柳梢黃淺覺春來啁啾野雀遺寒毳撥刺潛魚露戲鰓
物物惱人俱入詠使君爭奈乏天才

溪上危堂堂下橋臘餘春意卷寒飈煙催樹色全疑染

暖逼禽聲自學調封徑老苔翻敗錦抱城空水皺輕綃
茨山小隱歸心動坐想瓊芝幾隴苗

淮南自訟

偶然人乏貳中樞賜罷猶專督府居髮白自傷聞道晚
心丹誰識報恩餘淮天目極風飄駛韓野魂銷宰樹疎
卻顧病身何所用只堪歸釣潁灘魚

春社日置酒示客

欣欣春色上高臺一雨關河宿霧開洛浦宓妃鴻已去

漢家皇后燕初來山爐馥郁熏歌扇錦瑟丁寧侑客杯
秉燭尋芳君莫倦歡游纔散便徘徊

暮春感興

九十芳期去不留解痾何計貰珍裘爐殘晉俗清明火
水冷山陰被楔洲風徑舞花催暮色雨梁歸燕說春愁
離歸莫問年華事賦筆悲于宋玉秋

元憲集卷十一

欽定四庫全書

元憲集卷十二

宋 宋庠 撰

七言律詩

去秋九日置酒今秋復喜茲會詩呈通判比部並
諸幕府

城上凌氛百尺臺晚秋重喜宴樓開汎樽露菊疑相識
吹帽霜風是再求寶瑟丁寧催客飲丹萸爛漫辟誰災

莫驚銀燭先為具天際殘陽喚不回

孤坐北齋因懷出處之難偶成感詠

白頭榮路念何之出處空驚未得宜
劉放老于宮裏樹莊生愁煞廟中犧
嵩巖挂塢堪休影頽曲芝廛好療饑
但願天心從爾欲敢言歸赴赤松期

謀退

家家臯稷會亨辰老醜無謀念孰親
自樂一麾稱外守恥將三物詛讒人
灌園路側蒼烟曉洗耳灘長碧溜春

此地敢言逃楚相他年終擬作堯民

赴鄭出國門經西苑池上

十里商中抱帝畿
苑煙宮霧共霏微
長楊獵近寒熊吼
太液歌餘瑞鵠飛
碧護斗城天倚蓋
光銜蓬島日舒圍
樓船法從年年盛
借問孤臣何歲歸

府齋歲晏節物感人輒成拙詩二篇上寄昭文相
公樞密太尉雖俚調無取亦盍各斐然之義也

曉拂青銅感歲華
蕭蕭華髮強扶冠
病憎蛇影能為怪

老愛松心不受寒世務焦頭機已息主恩淪髓報應難
鑄鄧自躍非吾意且作洪鑪舊物看

處世何嘗盡值才虛名高位自驚猜千重浪裏隨流出
百尺竿頭試險回衰鬢不徒欺曉雪孤心兼欲伴寒灰
嵩陽潁曲風煙接已仗歸雲作隱媒

後池春水初滿

水從雲表濟祠來春凍初消舊堰開岸側淺黃先映柳
石邊新綠便成苔就深整頓吳飲漿因曲安排洛禊杯

莫道使君無野興把竿常到月中回

池上雨過

蕭蕭殘雨過橫塘翠幕生波入座涼
淡日映雲微透腳暖風翻葉更成
光牆頭早杏青丸小水面新蒲紺尾長
魚鳥沈浮齋吏散恍驚身世在濠梁

因覽鏡照見衰年狀貌有感

拂檻清晨念老餘只堪邱壑便懸車
暗圍廓落頻移眼坐沉蒼華不滿梳
綏綏轉慙龜鈕印土膏空負鶴頭鋤

人生出處真難決美殺賢哉漢二疏

郎中胡君出守三衢特枉長韻一篇曲叙故人之
契且有嘉命別督餞章牽課所成老拙多愧聊以
奉揚高節爾

南宮仙客欲歸休更領銅符越絕州

君久欲歸休故不辭小郡

郎位

雖嗟三不遇友聲偏喜兩相求

僕與君最為故舊

朝瑞引籍辭

羣鷺天外忘機信白鷗行矣松喬君自愛虛名官職壓

人頭

落花

一夜春風拂苑牆歸來何處剝淒涼漢臯佩冷臨江失
金谷樓危到地香淚臉補痕勞顙髓舞臺收影費鸞腸
南朝樂府休賡曲桃葉桃根盡可傷

春晦

曉雨廉纖僅壓塵落花長草小平津十千酒美空留客
九十春歸不戀人有恨剛腸隨指繞無情華髮撲頭新
憑誰與射跋鳥翼免向西崑送日輪

恩忝西掖垣

賢路塵消篋謗殘蕭蕭衰鬢得生還久叨鷗尾三重閣
予在天章三周歲卻趁蛾眉五日班傷翼再來仍繞樹行雲何
處不思山坐揮拙筆無文甚正被中郎笑拙艱

新晴

清明初過雨初收春意重因霽景留風定草煙還壓野
雲開山色始歸樓印陰高樹藏低嶺河曲新波沒故洲
點檢叢花猶半在應須秉燭為君游

清明日東歸舟次滯雨

月弦離畢破芳辰
舟子招招教問津
壓岸晚陰雲著野
蘸渠春色柳隨人
煙疇雌雉逢誰歎
風磧驚鷗莫我親
賜告有程歸棹急
報然歸水愧游鱗

都官謝員外今年春榜舟奉使予餞別于東亭孟
夏之初不幸卒于中道其孤迎喪還都予又出弔
于餞所俯仰陳迹因為詩以寄哀

溝水新傷慘袂人何言便作死生分地中玉樹無相見

琴上牙絃忍再聞
幾日離觴成漬酒
平時芳札代遺文
東亭哭罷愁回首
落照銘旌隔野氛

四月昌州奏聖祖
殿下生芝草一本
四莖及面有紅光
如悅懌之狀

昌元遠地凝和氣
聖祖仙宮發帝祺
穆穆睟容分喜色
煌煌寶座秀華芝
已彰日監靈心顯
更表晨敷協氣滋
元后欽崇膺瑞命
殊庭薦號答繁禧

寄延州經畧龐龍圖

驛騎傳書拂塞塵，開緘長疏墨猶新。霜餘且喜青松在，火盡誰矜白壁真。嵇阮交遊思舊隱，臯夔功業記名臣。年來更嗜無生學，笑殺關西仗鉞人。

清明

前旬風雨逼清明，柳色天高雪絮輕。冷落介推藏火月，寂寥潘令種花城。軍中踴躍人穿域，門外吹簫客說飭。今日太官還直具，多年私邸隔朝纓。

故事每歲寒食皆錫宴于宰臣私第

和吳侍郎謝余洎諸朝客見過亭沼

碧瓦新堂壓素波主人歡意駐鳴珂風清共覺煩襟快
觴急都忘醉并俄江葦有情侵岸出野鷗無事掠船過
西橋墨妙須珍護皇祐高秋勝永和

是日太常吳丞題
諸公名于西壁

胥集賢復舊官

鸞鵲驚飛詔檢開唐家僊殿育英才毫端誤墨讒蠅盡
塞上求羣故馬來咄咄書空徒有意冥冥避弋本無猜
孤生舊辱知人舉一夕聞風釋九回

從獵晚歸馬上默成奉呈承旨端明王學士

天子乘冬校獵回鈎陳平野轉瑤魁萬蹄未暮先追日
疊鼓非春已作雷得雋風毛隨禁仗犒勤霞液出仙杯
詞臣定有長楊賦翰墨能銷幾許才

長楊有翰林
墨卿之問

次韻和度支蘇員外覆考進士文卷鎖宿景福殿

秘邃嚴廬斗極傍

此殿最
近禁中

知君此夕較連章天移宿幕

鄰堯屋霞灑仙杯雜嘯霜

供帳賜樽之
或不與常等

坐覺銅籤隨漏

箭卧驚銀漢入宮牆精心百汰知無倦千牘皆供夜石

量

乚田任君歎以歌詩授余感嘆不足因成答贈

綠髮仙郎藻思新就中詩語更通神清襟逗興初無滓
綵筆呈華別有春顧我風期情背俗感君官職命欺人
湯湯聽盡流波曲終愧衰聾賞未真

永興端明王左丞寄示見訓長句因為後答

西風書驛到河津且喜開筩麗句新安石風流高映世
君房言語妙驚人公懷遠畧須經國我愧華顛未乞身
惟有論交方寸地歲寒留得比松筠

答子京

一辭雲陛五周年
瑣闥銷符寵再遷
時譽敢希吳陸俊
歸心偏識漢疏賢
蝸頭狼籍爭鋒地
鴻影徘徊避弋天
命駕不須頻見約
頽瀆嵩麓有私田

閏十二月望日立春禁中作

閏歷先春破臘寒
綵花金勝寵千官
水從太液池邊動
柳向靈和殿裏看
瑞氣因風生禁仗
暖暉依日上仙盤
須知聖運隨生殖
萬國年年共此歡

立春日置酒郡齋因追感三為郡六迎春矣呈坐客

閨章餘厯氣先回臘尾新陽已暗催
三改使符驚歲往六傾寶酒駕春來
枝頭翦綵仙葩折勝裏宜年寶字開
更聽美人金縷曲從茲爭合捨尊罍

晚春出郭游北山佛寺

幽剎尋春傍翠微遊人誰解惜芳菲
陰晴野日不常見紅白路花相雜飛
一世功名催俊傑千金歌舞屬輕肥

左遷病守真無用試學山公倒載歸

淳之九兄以僕承乏制曹幸聯局事向當成績猥辱裁篇謹抒拙詩以謝來貺

漢家挈令賴諸公末至緣何玷選中馬尾不知書畫誤鳥聲偏樂友心同忘憂日接三杯善輒思時分一洗功敢向明廷邀異賞從來儒術比司空

新年謝故人惠建茗

春筍收英得幾叢小團珍串刻闌工甘踰寶屑非闌露

快入煩襟不為風左鑿沸香殊有韻越瓷涵綠更疑空
從來酪茗嘲僉鬼莫枉奴名立異同

陳勤之兄弟同登秀科俱宰江東大邑

上林春色老朱櫻誰見聯科紀佛名睢苑妍辭俱右席
太丘遺業肯慙卿歌離坐寫墳麓恨邑政行聞魯衛聲
使橐盡堪傳尺素毀函同慰一搖旌

宗人絨見過

與予同年擢第
時絨坐法失官

慈恩題墨七彫年霰雪相從倦客天
男子詣曹羞會課

禿翁無版欲歸田又占後笑餘艱象書入窮愁有剩篇

聞道漢家求失職

時郊祀大恩昭洗痕玷

可能梁甲信灰然

閏三月再到西湖花卉已過春餘夏早景物亦佳
因復留連日夕忘返

再來湖上已春殘物物隨時亦強歡紫葉抽荷疑弄索
翠皮包竹好栽冠驚撓野鶯移沙渚貪餌解鱗薦客盤
盡日臨流忘吏事須知名世六條寬

重展西湖二首

綠鴨東陂已可憐更因雲竇注西田
鑿開魚鳥忘情地
展盡江河極目天
向夕舊灘都浸月
過寒新樹便留煙
使君直欲稱漁叟
願賜閒州不計年

西北雲波逗異津
兩陂相合到城闌
橋連斷岸纔通舫
路轉新洲不踏塵
倒影剌容霞底日
暖光平展鑑中春
推頽病守時無用
堪與鷗鵬作主人

次韻和次道學士獻贈留臺吳侍郎洛水泛舟之
作

歲晚風清洛霧開有人沿汴避囂埃莊談解辯觀濠樂

潘興能添作賦才

公于舟中作泛洛賦一篇實當世名筆

蘭菊分洲爭向

背鳧驚隨棹罷驚猜留都吏役雖羈鞅亦欲抽身更一陪

夜爐

風牕夜永燭飄煤坐擁空爐煖凍杯束縵未求曹相火
冥心將冷子綦灰禪林隱竈徒驚俗曲突徙薪枉備災
餘燼欲銷微霰集燎薰援錦憶平臺

後園新水初滿坐高明臺遠眺

濟渠凍解逗瀾花柳兼催近郭春城外天形低合野
水邊樓影倒傾人起晴魚意雙游樂助開禽聲百種新
老倚芳樽從外誚且將吟嘯代經綸

送貴溪尉周懿文

津亭理櫂拂朝霞試補東溪縣道賒旅突倦供樵客桂
官符貪及戌時瓜蟾生海岸空弦濕天倚山城一蓋斜
歲晚私書無憚數輕郵不禁嶺頭花

送虞部楊員外出牧池州

郎署新聞一進階
漢家臨遣重州臺
人持澤節龍形出
路建風旗隼翼開
千頃江禾年有瑞
萬盆吳嶺俗豐財
吟牕剝賞雲峯翠
即是踰晷報政回

送集賢盛諫議出牧維揚

江海多年滯軾熊
書林諫囑得儒宗
寬條一劄仙泥熟
慈宴千觴湛露濃

公拜職賜宴于本院儒林畢會

迎舸蔽川交畫鷁
隊

旂橫浦細吟龍輕
揚俗改方圖舊兩
馬行催詔傳封

晚泊白村登舟回望因成拙句寄淮陽龍圖王給
事

臨艍西沂近神垵六輔聯疆見驛亭

漢郡水督六輔渠
寔近畿河漕也

千里暮霞烘日腳一篙春水皺天形
野橋煙火微分市
曲岸漁樵別有汀
忽憶主人恩意厚
倚檣回首涕空零
和龍圖王學士經涂洛邑見寄

謝病台階別遽疏
更榮符鑰守司州
篋書已辨恩難報
臺禮雖頒政未修
漱石洛波鳴佩曉
揅雲嵩色紺屏秋

煩君麗句催登覽欲便長隨麋鹿游

楊寺丞以新集見授

居與僕嘗于
荊州聚學

荆臺杯酒接慇懃已是緹灰十五春
學舍早欣游霧露
辭條今服際天人
沈居雌蜺那知賞
葉牖神龍更駭真
侍上可能無狗監
子虛賦就長卿貧

天禧詔罷寄王貫之

裂繻無路學西游
衡木為扉戀一丘
阮籍自多回轍淚
虞卿長有著書愁
江邊客素沈驚鯉
海上機心失故鷗

借問騷人才幾許莫因鷓鴣枉悲秋

乾興詔罷自詠

忍當昭世卧隆中西笑無謀始諱窮鷗散海邊漁事廢
炙殘京口客盤空鄉魂怨曉虛為蝶頭葆悲秋不後蓬
欲把遺編論興廢諸儒爭奈喜嘲雄

奉詔過都代書寄昭文相公

六年衰鬢兩為州何意瓜時謁冕旒去位本無三已色
過城應有復來謳吹簷膽怯空思勉淪骨恩深未易酬

即日詣門重謝罪。豫慙危涕滿中籌。

送安陸朱通判赴召兼過許田別墅

綠綈珍檢九天來。綬笥騰裝拂簿埃。鈴閣餞歌鷗瑟怨。
壁田仙里駟門開。厨書久汗南山竹。征袂濃薰北使梅。
歲脫林光催奉計。五雲城闕倚瑤魁。

和吳侍郎龍門寶應寺設齋

闕塞千巖入畫圖。八關修供祝征車。半千運泰賢將用。
不二門深疾始除。香鉾淨羞熏寶席。法螺仙曲逗晴虛。

從茲定許陪登覺肯效區區粟里興

和吳侍郎相從經歲有陝許之別見貺長句

接武西臺屬鉅賢琴樽歡意滿山川論交共到忘言地

感別空驚易守年陝界霜氛迎喜氣

君再臨
雄部

穎郊秋色

犯華顛

余養拙
許昌

卜隣自有歸休約終就溪林占一廛

送資政侍讀侍郎西赴陝郊

案侍郎上應有
姓氏原本脫誤

君欲歸休未得休再持符節定西侯深嚴殿籍恩圖舊

蔽芾棠歌野續謳洛浦神仙觀送客峭陵風雨避傳騶

高懷莫作衰年調公府重來尚黑頭

和河間通博王太博見貺春雨應時雅什

東來春色變層陰甘露前符望歲心雲葉乍驚重礎潤

土膏先過一犁深

農人記
潤之語

皇慈已浹流根澤

近詔書
赦天下

芳

節殊非貫序霖忽枉新篇真寡和鼻聲衰濁費長吟

題高明堂後池雜景二首

荒城岑寂冒春霏竹落江村具體微蛙怒愛為先雨叫
燕輕多作逆風飛印波鸞鑑新荷小礙路犀簪早筍肥

極目纖塵都不動元規安得汙人衣

一竇春泉貫曉溪水光涵物見纖微波晃泛泛騷人卜
風蝶翩翩佛助飛雨足舊蘭穿畹出餌香鮮鮪壓鉤肥
昔聞緩帶猶堪美退食何妨野客衣

元憲集卷十二

欽定四庫全書

元憲集卷十三

宋 宋庠 撰

七言律詩

憂關還臺次韻和道卿學士終喪歸集賢舊職見
寄二首

半生多難竄民塵
北闕重來雪履穿
木在溝中寧有間
人從河上更相憐
塵棲綬笥昏餘采
蟲食書牋脫故篇

不敢對君重撫臆孤懷同是一潸然

解籍書林同遇春煢煢孤影弔窮塵茂陵久卧添遲思
東觀重歸有戲賓爭食已慙池鶩飽忘機更待海鷗親
慙然末曲何能續聊誌當年並賦人

默誦

虛名三紀玷王朝晚歲剛腸萬慮銷篤學自依袁伯業
醒狂誰比蓋寬饒將旄燭日逢兵偃隱谷連雲負客招
白首報恩雖竭節擬留餘力事耕樵

贈令狐進士

闕里高談擅席珍多年嵇痺嘆沈淪
封軺續食論鄉士綵服承顏斷織親
風直鷁郊傷六翮機藏鸞弩惜千鈞
載簡誰就揚雄宅覆瓿書成擔石貧

感懷寄進士胡肅

離懷何事共淒然雲路無因著祖鞭
賦苑竹荒沈舊賞書郵梅老怨殘年
莊魂斷處星垂地楚思搖時水接天
趙壹窮愁堪自笑擬將文腹敵囊錢

送謝沂進士

坦牀仙客照瓊筵
歸待蘭陔補逸篇
別路雲霞交友濶
慶門酥酪弟兄賢
春郊送目車流水
夕館迷魂月上絃
續食定知西笑近
馬生詞賦賈生年

送總閣學士守秦亭二首

案總閣學士應有
姓名原本脫誤

幾日章街認錦韉
平明頒節撫秦汧
嚴廬侍從宣勞久
却府詩書得帥賢
鼓騎千蹄嘶隴月
城笳三疊破羌烟
賓簪自古從軍樂
別夢空隨使幕蓮

綠圖層閣倚昭回
瑞鸚驚飛詔押開
關內趙張人續譽
禁中頗牧帝憐才
垂輦虎綬朝裝出
夾轂蛇矛使仗來
坐鎮平時文檄簡
赤囊邊瑣有輕埃

清明出沐

曉樹陰岑客舍春
卿與不訪著書人
長楸有地金成埒
曲突無烟桂徙薪
自欠解蘭拋北阜
更堪鳴磬是南鄰
飴香醞冷沈歡緒
枉負山郎出沐辰

朝謁待漏偶成詠懷

天街殘月斗城西五里葱葱瑞霧迷仙翰入陪廳澤鷺
曉籌初聽汝南鷄星翻微道千層密雲歛觚稜兩觀齊
自顧山林疎賤質誰將車馬載驚飀

孟津跨大河寒氣特盛歲暮作

河裏孤城歲倍寒冰霜千里正漫漫爐熏寶焰翻沈煖
酒入衰容不借丹翠幕障風褰影數玉琴抽雪按徽難
天高木落千花盡閒撫青松仔細看

世事

世事悠悠未遽央
虛名真意兩相忘
休誇失馬曾歸塞
未省牽牛解服箱
四客高風輕楚漢
五君新詠棄山王
秋來數有漁樵夢
多在箕峯潁水旁

和吳侍郎留題北樓

疾間勤勤解郡章
北樓舒嘯寄徜徉
山圍軒后乘車野
水接堯民洗耳鄉
拂衽風頭迎爽籟
壓林霞尾送殘陽
冶城極望雖高世
爭奈臨秋鬢未霜

寄許師孟

鷓鴣三驚楚澤秋
回腸更用斛添愁
燕臺市駿千金骨
漢客逃名九罟鮑
木斷華樽俱失性
瓢空陋巷獨堪憂
夏畦墦食非吾事
終訪班生問一丘

同年胡宿自江外寄遺詩筆雜文

萬仞青雲接翼翔
江南離思滿雕章
輕投暗路珠無脛
驟濯迷魂玉有漿
奏記諸公多感慨
擬騷前哲刺淒涼
寄懷何止三年字
畱祕傳家古錦囊

寄子京

為郡八年榮願已
息朝思念舊復假相
印笥內樞然思歸之心
日以忉怛矣

八年三郡駕朱輪更忝鴻樞對國均老去師丹多忘事
少來之武不如人車中顧馬空能數海上逢鷗想見親
惟有弟兄歸隱志共將耕鑿報堯仁

晚春小園觀物

小園乘暖敞孤齋畦埒經春盡綠苔新筍偶隨枯篠出
野花閒抱古藤開雙桐夾路元標井酸棗依牆本乏臺
北戶清風時一至此身疑到上皇來

郡圃觀春物有感

河橋烟北寂寥城山圃雖春氣尚清
戲蝶有時飛自遠
野禽終日語無情
露痕浥浥添花重
風意沾沾助絮輕
看徧物華還自看
乾坤同是一浮生

晚出池上觀秋物

臨溪長是見歸鳥
搖落初驚歲物徂
虎掌煙芒金穗密
西池稻畦彌望
鴈頭霜葉紺輪枯
差差去幕東西燕
兩兩隨波
上下鳬更向岸邊橫
飲舫便疑狂醉宿
江湖

秋霽觀野物

雨畢天高卷斷虹郊原無物不秋豐禾麻自稱霜前熟
梨棗偏依日處紅煙外短帘閒映柳水邊輕翼暗隨風
田廬我亦牽魂夢歸去嵩陽一老翁

孟津晚景

二月春風引夕陰鞏煙邛樹悵登臨醺鷄甕外天方濶
偃鼠河濱水正深萬疊紺螺山北聳半邊紅壁日西沈
憑高薄暮人誰見一寸如丹魏闕心

晚出池上

慘慄梧楸似楚騷霜餘寒水失溪毛游鱗潑潑心應樂
亂雀飛飛意不高平世功名難強立昔賢卿相是真逃
人間萬事無涯際爭得先生一藉糟

余性不知酒味

次韻和吳侍郎答汝州劉從事

賢路綢繆早奮庸搢紳元許黑頭公嚴霖暫卷浮雲外
國棟來參散櫟中仙禁巢阿思瑞鷗野場收弋看冥鴻
恐難便遂東山卧憂樂須將一世同

寄武昌胡從事

君家酥酪弟兄賢，督府從軍滯幕蓮。
江上歸音魚失素，天邊離思月成弦。
阮毫答記無遺草，楚賦悲秋有剩篇。
玉骨道風沈俊久，漢條新計會甘泉。

春陰復霽

時方思
青澤

河外輕寒氣未佳，春襟愁目徧天涯。
濃雲破綻翻無雨，落日因循便作霞。
麥隴寸苗思畦雉，柳灘新葉欲藏鴉。
如膏且冀均農惠，莫枉層陰挫物華。

永陽登樓懷闕下知己

西北樓邊路欲分，神臯不見見浮雲。
晉郵尺牘波中斷，洛客歸心笛裏聞。
麗賦有情傷桂魄，勞歌無節怨蘭薰。
漢家續食催西上，忍逐江鷗狎舊羣。

春霽漢南登樓望懷仲氏子京

三楚風煙會漢津，憑高倦目此城闌。
山前霧密疑藏市，樓上塵輕不污人。
鳴瑟久拋雩舞地，稱觴更負永和春。
私書一紙離懷苦，望斷波中六六鱗。

春日樓上有寄

雲葉西來拂畫樓江南何處不汀洲三春草綠王孫路
萬海梅殘隴使郵落照牕扉塵作馬黃昏簾幕月成鉤
張衡藻思能多少玉案貂襜各自愁

淮南汶上三見春物有感

一麾南北數移官三見鶯花送雁寒雙鬢欺人還似雪
寸心憂國本如丹雕蟲曲藝論文淺乘障迂儒破敵難
惟有歸耕初志在故田西接飲牛灘

暑雨初霽

日轉西軒小霧開
羲皇高興伴風來
層雲氣潤猶蒸礎
殘電光微不應雷
曲沼清潭魚對躍
暮簾明滅燕雙回
憑高更結京華恨
魂遶梁園舊吹臺

暑雨夕霽

天角殘虹截暮暉
南樓風快暑煙微
月波半露金樞穴
雲葉全收玉女衣
氣爽成樓孤鵲去
霧沈荒苑數螢歸
涼軒更作東山詠
何處莊環有世機

秋出近郊

修卽纔轉便維嵩都占黃河小曲中秋助峯巒相倚碧
日催梨棗一番紅煙蕪雖歇猶藏野霜葉能飛不待風
闕輔俗淳無巧弋

河洛間俗無弋織之技

天邊何意有驚鴻

初至洛陽府廨有東樓曲沼之勝時春色已過園
林寂寞晚坐樓上作

登臨何處恨春殘樓上池邊夕照間非意野雲遮倦目
無情空水鑑衰顏青谿久負幽人約白髮初辭宰相班
才與不才何足辨此心都擬付莊環

宮保龐丞相以詩二首見寄次韻和答

西畿三輔切天關何意頒來細札文學謬詩書慙作帥

身非眵畝更思君

劉向謂忠臣雖眵畝猶不忘君
惓惓之義也況予非眵畝者耶

使輶

結轍橫周道鄉木交陰憶漢枌保傅上才敦雅眷滿章

褒意謁蘭薰

出入台階謝奮庸白頭持節更為公臨民不稱膳嚴尹

慰俗猶依贈扇風天許雲鴻贈繳外

奉紀
高節

世憐池鵞稻

糧中

自訟
叨塵

一聞麗唱情何極心結平津舊閣東

次韻和吳侍郎喜令弟學士請告歸省

秋來遙說灑煩襟
季虎昆龍伴嘯吟
弓影舊疑臨酒釋
荆枝歡意戀叢深
仙山校籍催歸傳
宿館銷魂警曙砧
我亦白頭思共被
非君誰照急難心

時子京方北守常山不得枉道見省

寄致政杜相國

多年零雨詠公歸
得謝高懷與世違
池鳳何嘗嗟見奪
冥鴻終不更低飛
壽觴應舉三朋酒
師衮閒拋一品衣
我亦摧頽踰耳順
異時惇史託餘輝

酬仲微以舍弟忝直螭階余近塵鳳署見慶之作
世隱東畿賜遂初荆枝相樂本田廬偶隨幽鳥同還俗
何意驚羆並載車浴殿封芝慙視草史階簪筆玷成書
猶欣夙契寒松在持謝雕章悅柏餘

京師故僚以余退居近畿數賜存問因叙懷自感
多年京洛寓靈臺貪見三山縹帙開野鶴據軒真冒祿
跛牂生與苦為災茂陵養病惜惜骨莊室創心寂寂灰
南鄙孤城非灞岸欲乘春氣望瑤魁

次韻和運使王密學見貽之作

天畿巡部聽車音更值秋空卷夕霖擊壤但聞堯俗樂

寬條方識漢恩深醺渠引漕民兼富

使臺進通渠公私蒙利

飛檄宣風令莫侵餘藻相存知厚意孤松交雪鶴鳴陰

送蔣御史領江東運使

幾日都亭避憲驄使臺分節按江東朝端舊簡飛霜白
關外連艘餉粟紅晨鼓疊喧鷄埭月暝帆遙卸雀桁風
先秋若有離懷詠剝取芳筠作信筒

寓直晚歸見天街早春景物

霽雲銜苑雪雲開春色先從禁籞回馬上嫵眉偏認柳
樓前妝額固知梅吹殘鳳簫驚寒律忙殺鴝鶒騰取凍醅
莫問康年行樂意壽觴初罷佛燈來

時長寧節接
影燈之夕

次韻和安陸王工部郡圃早春

鄭波翻穀抱城流夢比春風第一州

安陸郡寔楚之北境 搞質枉

陪溫樹密勝襟還負峴亭游風英百種紛如繡溪羽千
聲巧命傳遙識使臣興感地浮雲長映最高樓

和經略宣徽吳太尉以將經洛陽舊隱之作

公有長才動搢紳朝廷不肯棄名臣高懷空結山中社

公在西都自號樂城居士

遠略今清塞外塵竹塢未荒溪葉密菊叢

雖舊徑花新南臺素壁題名處莫惜麾鉤一駐輪

入廟感舊

并序

余自寶元己卯始聞政事逮至和丙申歲幾
二十年其間凡再塵參貳陞使樞覲黃緣之
人遂登宰席洎蒙罷免守郡六年過都進朝

追念兩府僚舊自大丞相文懿鄧國張公文
靖許國呂公文簡郇國章公元獻晏公文莊
鄭國夏公其次則宣獻宋公康靖李公忠穆
王公文孝張公文莊龜公文肅鄭公文簡丁
公文莊高公皆邁世傑才左右王室余猥以
庸末預嚴廊之游今茲來歸則嚮之諸公無
一存者退朝感念悲不自勝因成短章以志
存歿云爾

二紀便蕃冒主恩歸來榮感兩驚魂
昌辰盡見羣龍出

漢郎顗云羣龍
在位以喻衆賢

急景俱隨駭駟奔
史冊褒賢空汗竹
山

丘餘泣已陳根
此身不減靈光殿
遺老班中歸獨存

八客懷故里

漢粉遺產接東陂
舒嘯行吟失舊期
嶺上孤猿驚別久
山中芳草怨歸遲
鮒波希潤寧堪待
龍斷求豐忍自欺
負郭已荒金未佩
天涯浩歎滿隆墀

和吳侍郎惠詩

最樂乘秋浩氣全
洛臺歸興滿新篇
霞漿不雜甘辛味
廟瑟都遺掩抑絃
崑嶺希珍鶯倦鵲
蘭臺清吹飲吟蟬
欲知傳誦人多少
正似三都紙貴年

求志

壯心銷盡見天機
敢惜功名與世違
拙似潘生難濟用
老于蘧瑗轉知非
多年鷄口慙爭食
自古鴛鴦愛舉肥
常恐冒榮孤晚節
春來魂夢到柴扉

和子京旅況

春城岑寂早花開久脫冠梁有薄埃安邑本緣飢腹累

茂陵非為富貴來

漢以高貴者皆從從諸陵

驚羅晚雀同茅宇爭席

春農作茗杯自有忘言記真意不煩騷客賦銜枚

楚辭云願

銜枚而無言

和吳侍郎謝予送酒

歲稔兵厨富酒材幾槽新溜滴芳醅秋香自與蘭英合

春色潛依竹葉回蟹甲佐歡賓簞溢鷓鴣騰參貢縣郵催

歲時舊例有百壺之貢

雖非平樂十千斗願奉成康三百杯

袁紹辟鄭

康成及去餞之自旦及暮康成飲
三百餘杯溫克之容終日忘怠

秋夕感懷

風蟾成暈露成霜玉箭添籌怨漏長四載歸心同騎省

案潘岳詩自我違京華四載
迄于斯原本作四戚今據改半分仙骨過東陽驚猿久

負排巢客乘駟誰輕喻蜀郎掩鼻裁詩多感慨吟餘星

斗轉秋潢

題江南程氏家清風閣

臨江
建之

臨波飛閣迓層飈滄暑狂醒此併銷客至自同仙寇御

舟歸不減鄭公樵雲明別島朝虹飲月碎前溪夜鯉跳
借問北牕餘興否羲皇高世一相招

和吳侍郎游普明禪院

履道遺坊敞淨廬昔人曾此賦閒居園經漢傳揮金罷

石記商賢作礪餘

原詩有石存裴
令老臣心之句

綠玉千竿多映水蒼

帷雙樹競凌虛神交不必論年輩一夕清吟萬境如

次韻范純仁和郭昌朝寺丞見寄二首

岷峨秀氣入京華鵬翼搏風勢莫涯岷玉照人呈美璞

楚蘭芬畹擢新芽朝廷遷陟先諸彦

君于同榜先改京秩

閭里光

榮在一家不鄙蒙陽疲病守肯來同醉岸烏紗

言路再居無少補護邊三歲乏微勛非才自合投閒地
竭節終期報聖君老去風光流似水病來世味薄如雲
讀書記一將忘十少壯誰教不自勤

送龍圖燕待制出守梓潼

賢構沈沈夕霧迷儒林俊老出分麾中天祕牒河龍負
上路鳴鐃笳馬馳香襲寵輦驚放獸野連豐茅蔽蹲鵠

潼江肯學淮陽卧仙液真腴壯壽祺

七言長律

次韻答襄陽龍圖燕給事慶僕序直禁林

右銀仙閣倚雲開孤客緣何待詔來一節新恩迂使驛
五花前署隔公台英游但喜儒紳集洵使偏驚吏腕催
畫檻寶鷄翔帝竹夕軒瑤斗掛宮槐朝無濫吹終逃郭
性有真愚敢望回雋老裁篇褒意重遠分江漢濯餘埃

元憲集卷十三

欽定四庫全書

集部

元憲集卷十八

詳校官監察御史臣李陽樞

檢討臣何思鈞覆勘

總校官進士臣程嘉謨

校對官編修臣勵守謙

膳錄監生臣黃紹伊

欽定四庫全書

元憲集卷十四

宋 宋庠 撰

五言絕句

坐池上看水偶成五絕句

水解初分竇波平便泛舟岸花紅弔影沙鴨綠昂頭

漾漾通仙穴

源出清濟

潺潺入故城晚來丘壑思併為一渠

聲

短綠抽心草深紅半面花游魚知底事跳碎水中霞

已開臨水徑自作探花人岸柳何為者都盧欲占春

河橋

不甚宜花
惟多美柳

橋腳時依樹

多作
釣橋

階脣便作河初無心可洗誰作洗心

歌

應事為水所
環最為佳處

次韻和吳侍郎錄夢英書

何年留妙蹟真賞日云疎不遇臨池鑒誰收壞壁書

六言絕句

撚鼻

一飢慣食腥腐三嗅不分臭香殘質心灰已久末年鼻
壅何傷

七言絕句

和吳侍郎鄴號樂城居士今復職守陝臨岐自哂
二絕

竹圃雲齋謝病還更將禪號擬香山詔恩叙舊君何讓
從古英賢不得閒

催拜連翩鳳詔飛
樂城幽聚願相違
高雲出岫雖無意
且待商巖作雨歸

擢第南歸道中早發

紫漢回天斗柄橫
蕭蕭羸馬困遙征
南歸晝繡恩偏厚
應有鄉人笑夜行

夜坐二首

紫垣疏舍拂霄霓
官燭臺衾夜境淒
況是顏生無飲分
小齋應免醉如泥

省戶沈沈奉秘齋
通宵蕭唱九天來
如愚默坐將何比
維斗虛名本不材

道次春陵懷古二首

鬱鬱春陵舊帝家
黍離千古此興嗟
蕭王何事為天子
本愛金吾與麗華

麗康遺壤亘荒途
白水烟消拱木枯
陌上停驂聊借問
帝鄉今有舊親無

被詔假輅傳詣闕

輕郵千里給臺符
曉月征驂上道初
自比漢儒思太渥
一生龔勝恨私車

初歸咸寧宅坐北齋作二首

柳市西頭最遠坊
歸來先掃讀書堂
閒園別有風流意
無限苔花上石牀

宴坐聊為適性場
徧開塵篋治縑緗
偷閒須撰齋中錄
道帙儒經各有房

因游東園奉寄交代張龍圖

修篁綠水已成陰
秀柏凌霜盡直尋
今日思人還愛樹

竹木盡是
張公所植

歲寒顏色歲寒心

蔬食

退食西軒玩竺墳
鵲爐烟細篆難分
勞生未識心齋理

枉學顏徒不如輩

榴花

誰取孤根植檻旁
絳跗丹萼鬬年芳
驚飈莫損亭亭豔

百子先秋未有房

晚坐北臺見新月

落霞殘日罷空樓
月桂黃昏破客愁
天上幸無封拜事
誰教蟾影曲如鉤

初止轂下車馬羸憊

九衢橫鶩徧驂駢
曉日浮雲萬蓋迷
借問東京朱伯厚
一車何苦日奔馳

初倅襄陽郡事感而自詠三首

平日少游思郡掾
當年鄧禹志功曹
如何一命睽州刺

更冠靈峯巔巔鼇

詔版熏芝喬露濃千齡華旦此親逢平刑六百叨優秩

漢廷尉平六百石秩已媿琅邪邴曼容

處世儒宮井白貧偶懷銅刻逐觀賓漢家銜驚盈千數
卻用淄川牧豕人

春晚坐建隆寺北池亭上

城外東風卷落花更臨春水惜年華單車刺史無鏡吹

叫殺荒池兩部蛙

南方氣早春未已蛙鳴

梁冀二首

狐尾單衣漢綬長
歸來珍館看啼妝
將軍幸有封侯力
忍使秦宮令太倉

外戚豪華善意錢
折巾平幘映鵞肩
支期一世惟偷寵
虛秉東京跋扈權

題巢父井亭

箕嶺逃堯去不回
沈沈遺甕碧烟開
廉泉讓水猶堪貴
何況曾輕天下來

默記淮南王事

室餌初嘗謁帝晨宮中雞犬亦登真可憐南面稱孤貴
纔作仙家守廁人

班葛才華盡冠時如何褒貶兩參差八公竝號神州客

誰作當年詣吏辭

伍被即八公之一

二山仙藻鬱紛紛鴻寶于中祕術新他日鑄金多不效
餘災翻及獻方人

欲訪景升先寄

隱廬早學蝸牛樣講肆仍將馬隊鄰

陶潛有馬隊非講肆之句余居東偏

皆駢營所在

北望烏衣纔一曲擬携聯簡就書筠

歲暮北樓晚景

樓上人驚歲律殘魯郊齊壘有無間夕陽高鳥知何意
飛盡青冥不肯還

和吳侍郎見貺白蓮

田田香葉滿橋陰鏤玉仙葩照玉潯應恐天姿太明潔
淺紅微綠護芳心

招希元對奕

余慕品甚早
故有未的

咒木成盧非我事
賭牛探炙亦何緣
乘閒欲數紋楸路
借問何如葛稚川

適聞留臺侍郎獨游龍門
屬府事牽鞅輒成短詩
奉寄

飛蓋遙聞上鑿龍
白雲蒼靄曉接鐘
匏瓜訟閣空南望
知到諸天第幾重

再葺流杯亭兼得今翰林胡學士舊記石刻移置

坐隅郡人以為寵

重鑿瓊波弄酒船
翠珉英藻更相鮮
從茲春意無銷歇
長似山陰癸丑年

流杯亭

則天所臨幸
李嶠撰碑

昔記神皇駐六龍
橫波簫鼓沸天中
誰知一代繁華意
吹作菰蒲落日風

齋中讀書

藤篋紛披擁蠹筠
日開黃卷代談賓
一經皓首心非悔

枉是無言對斷輪

入謁馬羸不進

上路傳呼萬轂流羸驂踏月五更愁城門爭道無因入
始恨車前欠八騶

惜白髮

曉鑑霜毛亂欲飄感衰懷壯兩無聊淵明雅思真高世
也解嘲人掉素標

再到小園見落花有感

雨餘春色太怱怱已有殘英滿地紅
先落後開應定分
一般遲日一般風

急雨前旬滯客遊羣葩何事亦翩翩
風長日暖東君醉
無限宮娃失翠鈿

次韻和丁右丞因贈致政張少卿二首

幾年辭寵解華紳
佛忍莊恬共嗇神
歲晏始知松柏茂
凌雲高節不關春

芝朮新園御陌東
飄然雲鶴此相從
貴交亦有功成約

二卿嘗與余有
功成身退之約
林下他年或見容

和中丞晏尚書觀上御青城案警場

崔嵬繪闕倚雲梯三疊鳴笳引夕輦使範雄嚴天意悅

瑞氛斜日紫垣西

是日登樓案警場即
時開霽晚景甚和

偶觀竹林七賢畫像

七子高風拂混茫丹青遺影尚琳琅山王偶爾兼榮遇
不得延年贈短章

次韻和石學士見寄十首

憑懇囊封避政均天恩從欲寵孤臣回瞻始愧功名地
池有祥鸞閣有麟

路寢崔嵬敞九筵相儀曾識帝心虔

明堂盛禮僕以禮儀使贊引來與

漢家山委無窮瑞盡屬淵雲奏賦年

奉行漢事稽遺典陟配周詩講肇裡一世聲名皆帝力

請君鴻筆制書筠

已上二篇來詩紀明堂之盛因見虛節軌線雅意為答

分符懷鑰兩叨榮公退賓尊恨獨醒

余性不飲酒

袞洛賞花

都未識歲寒空愛竹青青

袞飲賞花洛人所重余今夏赴任未經此會惟土宜美竹

偏于池檻此君之
好契余夙尚云

隱几鈴齋咀道腴
洛烟嵩靄徧神都
時時更作書生詠
方信隨何一腐儒

掉臂論交俗久訛
夫君高意過頽波
薜華暮落松凌雪
借問凋芳較幾何

榮路徘徊力已疲
保全恩惠劇春熙
須知散櫟無庸日
方到羣材構厦時

久廁鸞鴻刷羽翰
大都飛意倦須還
周南日夕歸心動

笙月飄風盡有山

親見仙科唱第時

君提第之日余以學士為殿試考官

寵均宣室對神釐

韻強輒借為禧字

漢臺詔令方深厚好取名即作訓辭

來詩有敲打薄

領之歎輒以奉揚宣美

老去勤勤念一丘已將身世上虛舟
濟川善謔情雖厚似倚清才惱白頭

碧蘆堂

寂寂虛堂一自幽紺梢蒼葉更臨流
不須重畫滄浪境

一片江天小樣秋

故池

幾曲春洲逗碧塘
顰檐沙版照波光
多年不浴荀池鳳
戲鶯時時下夕陽

丁晉公故第東池上作

薛縣高臺已半傾
碧波遺甃自盈盈
池蛙不辨興亡意
猶學當年鼓吹聲

東園池上書所見五首

茅棟山楹抱曲池

池上有堂號白蓮棟字朴野

孤懷終日此忘歸生

平方寸無機械庭下羣鷗且莫飛

春餘池圓似郊村

余夏初領府事時花卉已過池上寂然有野思

吏散斜暉半

府門燕雀不知爭底事啁啾言語到黃昏

堂下濺濺水欲周水清烟底見游鱗主人不是無芳餌

此意從來信直鉤

靜岸無風斂夕霏田田香葉滿空池戲魚未必能知我

我自知魚最樂時

雨洗神嵩紺黛凝中天
鸞鶴恣飛騰更憐晚翠知人意

併入東樓第一層

東樓正望
嵩少諸峯

漫成

二典勲華冠號榮燦然三代繼英聲
如何孟子尊儒術不肯臨篇信武成

漫成二絕

日日開門避寵呼
舞駉飛蓋共虛徐
晉人枉解痊秦瘡
只得君王五衆車

代故由來足糾紛高才憂世強云云太宗不用長沙傳
虛使羣臣謚孝文

絕句

波環頰曲持竿石雲擁嵩巖鍊藥爐盡是他年歸隱計

更憑猿鶴作前驅

有薄田數頃在嵩穎之間自鄭望之波子耳

次韻和吳侍郎和沖卿寄來詩二首

解郡西歸疾有痊浴臺分籍養高賢逍遙莫道無推重

雲外傳呼拜表天

暫息塵機不為年高風聊借九區傳周聃漢朔誰能測
且作清時吏隱仙

時余不得預會戲成二韻

案此題上有脫文

筆陣談鋒醉幕天遙知三俊共周旋據筆舊將曾銷髀
不得行間左執鞭

和中丞晏尚書憶譙渦二首

穀浪如烟曲里深使旗齊舫此幽尋不知魚鳥思人否
曾費東山擁鼻吟

沿緣綠篠無窮岸
縈帶香荷幾曲溪
可惜高秋真賞地
夕陽殘月在平西

冬至夜齋中不寐遙想郊丘盛禮二首

陽郊陪禮忽三年
目想壇觚切絳烟
今夕纖蘿還不動

百神應到紫宮前

寶元郊祀之夕風月澄霽今歲復爾

兩扶天御陟圓丘

景祐寶元二郊余並攝公卿奉引乘輿升壇贊禮

壁月硃星

拂綵旒誰識從官興
感夜卧聽寒柝宿揚州

人曰

陽律初回七日春誰將靈品占佳辰鏤金翦綵空迎福
無奈牛羊已勝人

游廣愛寺

鷺字咭曉軼翠霏清秋香火絕塵機心明更接真空辨
應有天花蒲席飛

和伯仲尚書聞琵琶一絕

香撥檀槽奉客杯細音餘響碎瓊瑰只應強作弦中誤
且欲周郎一顧回

正月十日作

萬里春暉蕩曉空
芳心何處不融融
情餘兩鬢無情雪
最耐人間解凍風

偶隨和氣上層臺
河裏風烟已暗開
空說虎牢天地險
不知春色過關來

元憲集卷十四

欽定四庫全書

元憲集卷十五

宋 宋庠 撰

七言絕句

和晏尚書宣德門侍宴觀燈

梵樓佛火千輪出
漢時神光百道來
為報金吾休禁夜
太平簫鼓宴鈞臺

讀史二首

孝武威靈動百蠻將軍辛苦到閒顏儒生未必無長策
枉使匈奴害狄山

賈傳感傷論表餌董生推本對春秋蹶張抵几能為相
誰序儒家冠九流

觀文丁右丞求賜茶因奉短詩二章

金門高隱宰官身盡把功名付客塵
慧露真腴內消熱可煩霞脚一瓶春

龍銜縹質尊王貢月滿春規記焙名
此味賞音知有意

不將甘醴作交情

和寄花詩

省訪春叢豔最殊
寄來猶識錦霞舒
名園自竇仙葩種
可是全因勿翦餘

謝答吳侍郎惠茶二絕句

貢焙僧巖各有名
手封奇品更丁寧
衰翁劇飲雖無分
且喜雲腴伴獨醒

一匳真茗慰鈴齋
更伴仙卿逸藻來
夜啜曉吟俱絕品

心源何處著塵埃

次韻和運使王密學新葺西亭移花之作

高齋新境斷纖塵曲圃芳畦豫記春
今日且資移樹法
明年應作看花人

和中丞晏尚書木芙蓉金菊追憶譙郡舊花

絳豔由來拒早霜金英自欲應重陽
主人昔意兼新意
併為寒葩兩種香

今日綦軒風爽天休可紆步無以薄領為解兼戲

成短章

不肯歸休本俗才
癡兒了事太悠哉
勸君抽取文符手
且就涼軒鬪茗來

詠史

袁褚才名自古稀
可嗟高節晚相違
遲行便足為丞相
枉受黃羅乳母衣

道出襄城遇大風于野

此路前聞七聖迷
風霾終日暗天涯
心如搖旆頭如葆

卻羨枯桑了不知

春晚殘花滿地

晚晚千花已自稀
狂風猶欲挫芳菲
王昌近在牆東住
可惜殘紅取次飛

因覽子京西州詩藁感知音之難遇偶成短章

小集曾因善叙傳

子京出麾小集甚為元獻晏公所重叙以冠篇行于世

西州餘

藻復盈編中郎久已成枯骨
爭奈柯亭十六椽

天街馬上遇雪

章街十里瑞雲飛有客蓬山寓直歸
雙履未穿乘款段
比量東郭是輕肥

七夕三日

一夕歡娛鳳帳秋
曉天歸駕待瓊輶
銀潢便是東西水
不獨人間有御溝

紫宙風輕斂夕霏
露華應濕六銖衣
鵲橋貪問經年恨
不覺蛛絲減舊機

漢家猗殿敞雲屏
青雀西來底有情
席上殘桃猶可種

劉郎爭柰不長生

夜聞牛歌

蕭蕭墟落暮雲寒
壤曲新歌浹野歡
何處飯牛歸路遠
一聲辛苦惹漫漫

和梵才寄林逋處士

白首江湖傳散人
天殺解盡有天真
漢家不惜青蒲費
終為枚生一裏輪

龍興題額

傳云唐明皇
御書八分

八法神臺煥寶題至今鸞鵲欲驚飛臨空莫遣流塵晦
幸有仙人拂石衣

聞子京拜掃後周視田廬因問有可為歸計者二
首

韓邑西南上故原春林幾處駐行軒何妨豫卜歸休地
從古三公亦灌園

耕疇喬木許西偏嵩穎相望似有緣更問具茨南復北
那邊堪作種芝田

西齋雜詠

粉箨烟膏秀可餐
森森庭際闢檀欒
誰教節目生皮外
卻解虛心保歲寒

早謁

匹馬中衢類斷蓬
疎星殘月共寒空
漢家未給千門鑰
弛鐙牆陰避憲驄

詠槐

萬物迎春兔目開
亭亭圓影覆莓苔
孤根信得全身地

可待山中養不材

噪雀

楚雀乘春聯聯飛蒜頭椒目粟生微
風前莫學驚鷗散
堂上人無海客機

晚庭噪雀

空庭殘雨伴風休
芳樹陰陰晚雀畱
無限好枝堪斂翼
不知何事更啁啾

登汝州等慈閣二絕句

像閣岩峽出翠陰有人憑檻看嵩岑方袍更語閩天舊
且取歸心付佛心

檻外風烟洛汝通賓簪禪毳此相從主人解選登臨地
數片秋天六六峯

泛舟新湖晚歸呈坐客

繚繞西隄接暮雲半天殘日尚留賓歸橈直渡無多怖
縱有風波不陷人

受詔論次令文踰月綱條未舉

漢家甲令議蠲煩
曹札沈迷擁畫軒
城旦千條紛未舉
始知黃老得名言

書樓

巖巖雕甍傍九衢
藻局無復藥函書
徘徊尚有飛軒月
不把孤光照碧疏

次韻和吳侍郎東城泛舟

放溜輕舸掠晚沙
時時波底碎秋霞
清陰十里堪乘興
疑到江東安道家

新歲雪霽到西湖作三首

新年城曲坐溪臺
密霰初收晚凍開
無限禽聲兼柳意
欲催春色過湖來

水華烟態壓回汀
客至無情亦有情
芳草不須緣短夢
一番新綠滿塘生

閒拂苔磯弄釣輪
幽懷先賞渼瀼春
沙鷗似未知余意
驚舞時時錯避人

暮歸舟中

一水縈紆蕩夕霏
樵風上下燕參差
斜陽無限滄洲景
可惜山陰興盡歸

早渡洛水見流澌
盡解春意感人馬
上偶成戲詠

二首

春色東來不待招
烟光已過洛陽橋
如何解盡人間凍
鬢畔霜華轉不消

洛浦冰消潤戰塵
野禽何處不呼春
柳梢弄色花條軟
已似遙嗤白首人

次韻和張太傅寄集賢相公

一世夔龍集盛期
公槐邦棟聳喬枝
更將出處均天分
荀鳳莊鵬各有池

立春

曾見青旂上苑回
瑞幡仙萼剪刀催
立春日朝簪皆賜幡勝于上閣
來獨曝茅檐日
且暖蓬心一寸灰

庭樹

巖曲孤根為底來
婆婆生意畫雲開
霜繁露重樛枝落

借問于今材不材

潛溪晚歸二首

詰曲山柯冒石梯，聽泉尋竹到招提。
憑闌未徧催歸馭，

可惜溪西更有溪。

西溪盧溪二僧舍相去數里日晚遂不及往

剌剌尋僧駐蓋頻，已聞歸騎趣城闌。
巖雲散不溪泉咽，野色幽聲共怨人。

和晏尚書宴歸馬上醉題

寶閣凌雲晏罷初，紛紛歸騎徧春衢。
燈光月影留清玩，

不覺車前甚寵呼

聞蛙有感

燕池昔有金丸戲
蠲氏今無牡菊烟
暗水羣鳴聊借問
為官何似為私年

雨夜連旦為蛙所聒

萬數鳴蛙暑雨天
此聲何必問憎憐
周公忍事腸三斗
寄怒猶燒牡菊烟

僦廬僻遠因畜鳴雞為入謁之候
歲久馴狎其信

如一因成短詠

唳鶴啼烏隔斗城
喑喑辛苦報朝纓
僦廬不識端門漏
長媿東牕第一聲

小園四首

小園烟草接鄰家
桑柘陰陰一徑斜
卧讀陶詩未終卷
又乘微雨去鋤瓜

厯盡危機歇盡狂
殘年惟有付耕桑
麥秋天氣朝朝變
蠶月人家處處忙

村南村北鶻鳩聲刺水新秧漫漫平行徧天涯千萬里
卻從鄰父學春耕

少年壯氣吞強敵晚覺丘樊樂事多駿馬寶刀俱一夢
夕陽閒和飯牛歌

夙興

夢驚單枕拂霜毛月影初低燭影高枝上萬禽猶寂寂
寒雞何事獨三號

和叅政丁侍郎洛下新置小園寄畱臺張郎中詩

三首

勤勤高意念林丘新買溪園洛水頭
千載聖賢方契會
恐君難作赤松游

芝廬松塢富煙霞更接西臺御史家
借問賢人何日聚
定知郎宿映台華

十畝名園隔世塵山嵇風義暗相親
只應歲晚凌霜操
併託松篁待主人

睡足

河陽事簡卯
後方離枕

府廡寥寥似野廬晏眠猶厭閣鈴呼不知雲夢澤南日

杜牧為黃州日有詩云平生睡足處雲夢澤南州得似富平津北無

晚登信美亭

磴道盤紆薄晚雲天邊疑見斗方春

此亭正望京闕

清風萬里

知何意吹盡華纓漠漠塵

照虛亭

洛渠西北暮煙來碧瓦朱軒壓水開岸曲便容剡木艇

階脣仍作釣魚臺

廢園

金谷蒼茫舊里存
年年芳草怨王孫
游人慎莫尋荒徑
霜露霑衣似淚痕

過紫嵩菴

新結禪菴當小齋
見山何必上高臺
嵩巖更似知音賞
雨罷先供翠色來

和謝酒

臘脚春槽細溜香
一杯何幸得君嘗
十年離恨無銷處

且付山公酩酊鄉

汴渠春望漕舟數十里

虎眼春波溢宕溝萬艘銜尾餉中州控淮引海無窮利
枉是涵涵本濁流

屈原

蜜勺瓊漿薦羽卮脩門工祝儼相依蛾眉雜選無窮樂
澤上迷魂底不歸

司命湘君各有情九歌愁苦薦新聲如何不救沈江禍

枉解堂中許目成

雜感

從古忠賢困佞邪
區區塵冊費長嗟
讒人肉味知何似
豺虎剛嫌汙齒牙

枉尺由來賤直尋
巧機愁殺漢川陰
莫將三四為朝暮
虛攪羣狙喜怒心

詠竹

嵇阮生平憶共游
此君高節最凌秋
兒童少作并門騎

千畝留封渭水侯

冒雨出省示同舍

簇雲絲雨共淒迷
紅日應銜苑樹西
陌上絳塗深幾許
羸驂無錦可障泥

黃孝恭失官多作歌詩極于哀麗

禿翁無版出無軒
清藻千章愬舊冤
可惜騷人能設問
皇天終不答根源

宿齋太一宮即事五首

仙樓觚闕縹雲霓
奕奕威靈擁太禧
海內兵銷無伐國
壯荆開偃漢宮旗

蹇產通天百尺臺
歲祠三一羽旗開
臥聞野雉宮前雉
應有神光壇上來

宮垣寶勢壓靈鼇
竚窳齋房宿幕高
倦枕不知秋已至
商音半夜入雲璈

琅疏瓊屑奉齋場
辟席時飄鵲炷香
永晝不開賓榻語
併儲真氣助龜腸

碧篠珍叢北戶陰時時天籟著風琴體中癡點何須判
一夜甘為洛客吟

遇雨放朝余至掖門方審戲呈同舍

詔恩蠲謁靜朝扉掀淖都街獨未知同舍恣成莊蝶夢
可憐臣朔忍朝飢

過都造朝入見之日蒙恩延登賜坐感天荷德退
而成篇

出守西南又許田白頭何幸再朝天升階子細瞻堯日

不似侏儒夢竈年

周道士本簪裳世家齡年便慕真教今為廬江黃
冠與余有中表之好千里見訪惻其孤立因告別
也為小詩以勞其志

親見烏衣竹馬年如何便學草樓仙長安名利非真趣
好趁春膏種玉田

小疾請告

畫枕高春體不勤客來猶復著綸巾冒榮初牒無三最

寧是朝家予告人

祭春偶作呈通判職方

闕外春來亦可憐
平明簫鼓濁河邊
殿門恩澤催幡勝
朝廷故事立春日
賜近臣銀鏤金塗幡
勝于上閣各有差
珥冠謝恩上殿奏事
不預朝簪整八年

年

晏公喪過州北哭罷成篇二首

昔迎留守蕭丞相

癸巳秋公自長安代余守洛

今哭談經戴侍中
公

留經筵以備顧問

一代高情無覓處
落花殘日九原風

故郡迎喪匝野悲

公嘗鎮許昌

柳車丹旆共逶迤
泉塗自古

無春色可惜森森瓊樹枝

帖子詞

附

皇帝閣端午帖子詞

吹律蕤賓動乘離
玉燭明薦盤荆俗
黍頌餌漢祠羹

寶軫流薰唱仙壺
永瑞曦欲知人
厲息天報父生遲

寶典靈辰舊皇居
瑞應偏冰紉能
避暑絳縷解延年

宮中命縷千絲合
階下祥雲五莢
芳漢殿桃枝先作印

楚人蘭葉續為湯

天闕卻暑金為狄帝坐穰氛斗轉樞不似人間傳節物
歲時嘗作辟兵符

藥宮瓊構切昭回五月嘉辰萬壽杯舜殿薰風琴裏散
漢閨明月扇中來

皇后閣端午帖子詞

魏井開冰潔齊宮獻服新宮門無暑氣猶許艾為人
朱索連葦種仙繒篆秘符誰知萬靈貺先日擁椒塗

鮮雲瑞旭樓前曉寶艾芳椒殿裏香五數已知隨地永
九重更自配天長

楚筒結綬金盤麗班簃裁紈玉宇輕琥枕透蚊光不減
瑤箱乳燕羽初成

篆桃刻印神圖術采藥和丹寶笈功欲驗嘉辰蠲毒處
輕炎不入廣寒宮

夫人閣端午帖子詞

令月辰標午皇居物效祥仙蒲九節長宮樹萬年芳

越簾輕裁玉齊紈巧縷冰宮中雖命節何處有炎蒸
漢家宮掖與天連桃印金刀瑞氣鮮朱夏雖稱五之日
皇圖自樂萬斯年

金徒漏永烏猶渴寶扇風徐雉欲飛借問人間傳綵縷
何如石上拂仙衣

元憲集卷十五